

景岳全書外科鈐目錄聖集

卷之四十六

外科上

經義一

脉候二

論證三

善惡逆順四

虛實五

淺深辨六

總論治法七

敗毒八

托裏九

論汗下十

論灸法十

膿針辨十二

論針法十三

用針勿忌尻神十四

圍藥十五

腐肉十六

含時從證十七

陽氣脫陷十八

溫補按則十九

定痛二十

生肌收口二十一附

用香散藥二十二

槐花酒二十三

忍冬酒二十四

腫瘍二十五

腫瘍不足二十六

潰瘍二十七

潰瘍在餘二十八

潰瘍作痛二十九

潰瘍發熱三十

發熱煩躁三十一

作嘔三十二

作渴三十三

瀉痢三十四

大便秘結三十五

小便淋瀝不利三十六

發瘕三十七

無寐三十八

瘡瘍出血三十九

戒忌調護四十

陰陽證變四十一

論列方外科上

卷之四十七

外科下

發背 四十二

耳瘡 四十四

疔瘡 四十六

疔瘡 四十八

肺癰肺痿 五十

胃脘癰 五十二

腸癰 五十四

臀癰 五十六

鶴膝風 五十八

下疳瘡 六十

楊梅瘡 六十二

懸癰 六十四

腳發 六十六

腦疽 四十三

鬚疽 四十五

瘰癧 四十七

時毒 四十九

乳癰乳巖 五十一

腹癰 五十三

肘骨疽 五十五

流注 五十七

多骨疽 五十九

便毒 六十一

囊癰 六十三

脫疽 六十五

足跟瘡 六十七

腎臟風瘡 六十八

天泡瘡 七十

翻花瘡 七十二

跌打損傷 七十四

破傷風 七十六

斑疹丹毒 七十八

疣 八十

賺瘡 六十九

赤白遊風 七十一

痔漏 七十三
下血接 附臟毒

杖瘡 七十五

類破傷風 七十七

癰贅 七十九

論列方 列利下

會稽

張介賓

會卿著

會稽

魯超

謙菴訂

外科鈴上

經義一

癰疽篇黃帝曰血氣已調形氣乃持余已知血氣之平與不平
未知癰疽之所從生成敗之時死生之期有遠近何以度之
可得聞乎岐伯曰經脉流行不止與天同度與地合紀故天
宿失度日月薄蝕地經失紀水道流溢草莖不成五穀
徑路不通民不往來巷聚邑居則別離異處血氣猶然請言
其故夫血脉營衛周流不休上應星宿下應經數寒邪客於
經絡之中則血泣血泣則不通不通則衛氣歸之不得復反

故癰腫寒氣化爲熱熱勝則腐肉肉腐則爲膿膿不瀉則爛
筋筋爛則傷骨骨傷則髓消不當骨空不得泄寫血枯空虛
則筋骨肌肉不相榮經脈敗漏薰於五藏藏傷故死矣○黃
帝曰願盡聞癰疽之形與忌曰名岐伯曰癰發於鬲中名曰
猛疽猛疽不治化爲膿膿不寫塞咽半日死其化爲膿者寫
則合豕膏令食三日已○發於頸名曰天疽其癰大以赤黑
不急治則熱氣下入淵腋前傷任脈內薰肝肺薰肝肺十餘
日而死矣○陽氣大發消腦留項名曰腦癰其色不樂項痛
而如刺以針煩心者死不可治○發於肩及髀名曰疵癰其
狀赤黑急治之此令人汗出至足不害五藏癰發四五日達
膵之○發於腋下赤堅者名曰米疽治之以砭石欲細而長
踈殺之塗以豕膏六日已勿褻之○其癰堅而不潰者爲馬
刀挾纒急治之○發於胸名曰井疽其狀如大豆三四日起

不早治下八腹不治七日死矣○發於膺名曰甘疽色青其
狀如穀實蕪蕪常苦寒熱急治之去其寒熱十歲死死後出
膿○發於脇名曰敗疵敗疵者女子之病也灸之其病大癰
膿治之其中乃有生肉大如赤小豆劉蒨草根各一升以
水一斗六升煮之竭爲取三升則強飲厚衣坐於釜上令汗
出至足已○發於股脛名曰股脛疽其狀不甚變而癰膿搏
骨不急治三十日死矣○發於尻名曰銳疽其赤堅大急治
之不治三十日死矣○發於股陰名曰赤施不急治六十日
死在兩股之內不治十日而當死○發於膝名曰疵癰其狀
大癰色不變寒熱如堅石勿石石之者死須其二乃石之者
生○諸癰疽之發於節而相應者不可治也發於陽者百日
死發於陰者三十日死○發於脛名曰兔齧其狀赤至骨急
治之不治害人也○發於內踝名曰走緩其狀癰也色不變

數石其輸而止其寒熱不死○發於足上下名曰四淫其狀
大癰急治之百日死○發於足傍名曰厲癰其狀不大初如
小指發急治之去其黑者不消輒益不治百日死○發於足
指名脫癰其狀赤黑死不治不赤黑不死不衰急斬之不則
死矣○黃帝曰夫子言癰疽何以別之岐伯曰榮衛稽留於
經脉之中則血泣而不行不行則衛氣從之而不通壅遏而
不得行故熱大熱不止熱勝則肉腐腐則爲膿然不能陷骨
髓不爲焦枯五藏不爲傷故名曰癰黃帝曰何謂疽岐伯曰
熱氣淳盛下陷肌膚筋髓枯內連五藏血氣竭當其癰下筋
骨良肉皆無餘故命曰疽疽者上之皮夭以堅上如牛領之
皮癰者其皮上薄以澤此其候也

玉版篇黃帝曰病之生時有喜怒不測飲食不節陰氣不足陽
氣有餘營氣不行乃發爲癰疽陰陽不通兩熱相搏乃化爲

膿小不能取之乎岐伯曰以小治小者其功小以大治大者多害故其已成膿血者其唯砭石鉞鍼之所取也黃帝曰多害者其不可全乎岐伯曰其在逆順焉以爲傷者其白眼青黑眼小是一逆也內藥而嘔者是二逆也腹痛渴甚是三逆也肩項中不便是四逆也音嘶色脫是五逆也除此五者爲順矣

寒熱病篇曰五藏身有五部伏兔一腓二腓者膈也背三五藏之腧四項五此五部有癰疽者死○凡刺之害中而不去則精泄不中而去則致氣精泄則病甚而悞致氣則生爲癰疽也

生氣通天論曰高粱之變足生大疔受如持虛○汗出見濕乃生痤癰○勞汗當風寒薄爲皴皴乃痤○營氣不從逆於肉理乃生癰腫○陷脉爲癰留連肉腠○因而飽食筋脉橫解

腸澼爲痔

陰陽別論曰三陽爲病發寒熱下爲癰腫

脉度篇曰六府不和則留結爲癰

異法方宜論曰東方之域其民食魚而嗜鹹其病皆爲癰瘍其治宜砭石故砭石者亦從東方來

氣穴論曰肉之大會爲谷肉之小會爲谿肉分之間谿谷之會以行榮衛以會大氣邪溢氣壅脉熱肉敗榮衛不行必將爲膿內消骨髓外破大膿留於節湊必將爲敗積寒留舍榮衛不居卷肉縮筋肘不得伸內爲骨痹外爲不仁命曰不足大寒留於谿谷也

刺節真邪論曰虛邪之中人也洒淅動形起毫毛而發腠理其入深內搏於骨則爲骨痺搏於筋則爲筋攣搏於脉中則爲血閉不通則爲癰○虛邪之入於身也深寒與熱相搏久留

而內著寒勝其熱則骨疼內枯熱勝其寒則爛肉腐肌爲膿
內傷骨內傷骨爲骨蝕○有所疾前筋筋屈而不得伸邪氣
居其間而不反發爲筋溜○有所結氣歸之衛氣歸之不得
反津液久留合而爲腸溜○久者數歲乃成以手按之柔已
有所結氣歸之津液溜之邪氣中之凝結日以易甚連以聚
居爲昔瘤○以手按之堅有所結深中骨氣因於骨骨與氣
并日以益大則爲骨疽○有所結中於肉宗氣歸之邪留而
不去有熱則化爲膿無熱則爲肉疽○凡此數氣者其發無
常處而有常名也

病能論黃帝問曰人病胃脘癰者診當何如岐伯對曰珍此者
當候胃脉其脉當沉細沉細者氣逆逆者人迎甚盛甚盛則
熱人迎者胃脉也逆而盛則熱聚於胃口而不行故胃脘爲
癰也○帝曰有病頸癰者或右治之或鍼灸治之而皆愈其

真安在岐伯曰此同名異等者也夫癰氣之息者宜以鍼開
陰去之夫氣盛血聚者宜石而寫之此所謂同病異治也
脉要精微論帝曰諸癰腫筋攣骨痛此病安生岐伯曰此寒氣
之腫入風之變也帝曰治之柰何岐伯曰此四時之病以其
勝治之愈也

厥論曰少陽厥逆机閉不利机閉不利者腰不可以行項不可
以顧發腸癰不可治驚者死

寒熱篇帝曰寒熱瘰癧在於頸腋者皆何氣使然岐伯曰此皆
鼠瘻寒熱之毒氣也留於脉而不去者也鼠瘻之本皆在於
藏其未上出於頸腋之間其浮於脉中而未內著於肌肉而
外爲膿血者易去也黃帝曰去之柰何岐伯曰請從其本引
其末可使衰去而絕其寒熱宜按其道以予之徐往徐來以
去之其小如麥者一刺知三刺而已黃帝曰決其死生柰何

岐伯曰反其自視之其中有赤戒上下貫瞳子見一脈一歲
死見一脈半一歲半死見二脈二歲死見二脈半二歲半死
見三脈三歲死見赤脈不下貫瞳子可治也

通評虛實論曰所謂少鍼石者非癰疽之謂也癰疽不得頃時
回

氣交變大論曰歲火太過民病身熱骨痛而爲浸淫○歲金大
過民病兩脇下少腹痛自赤痛皆瘍耳無所聞○歲木不及
復則炎暑流火濕性燥病寒熱瘡瘍痈腫○歲金不及
復則寒雨暴至民病口瘡○歲水不及民病寒瘍流水

五常政大論曰委和之紀其病支廢癰腫瘡瘍○卑監之紀其
動瘍漏分潰癰腫○赫羲之紀其病笑瘡瘡瘍○堅成之紀
其動暴折瘍症○少陽司天火氣下臨鼻窒瘡瘍太陽司天
寒氣下臨甚則肘腫身後癰少陰司天熱氣下臨甚則瘡瘍

○地有高下氣有溫涼高者氣寒下者氣熱故適寒涼者服之溫熱者瘡下之則脹已汗之則瘡已

脉候二

浮數之脉應發熱其不發熱而反惡寒者若有痛處瘡疽之謂也

洪大之脉其主血實積熱瘡腫凡洪大者瘡疽之病進也膿未成者宜下之膿潰之後脉見洪大則難治若兼自利尤爲凶候

數脉主熱浮而數者爲表熱沉而數者爲裏熱諸緊數之脉應發熱而反惡寒者癰疽也仲景曰數脉不時見則生惡瘡也又曰肺脉數者生瘡也凡諸瘡脉至洪數其內必有膿也

實脉主邪盛邪氣盛則實也瘡疽得此可下之若久病虛人則

最忌之以正不勝邪也

滑脉多陽或爲熱或爲虛瘡疽得此膿未成者可內消膿已潰者宜托裏所謂始爲熱終爲虛也

散脉爲血虛有表無裏也凡瘡毒膿潰之後脉見洪滑粗散而煩痛不除者難治以其正氣虛邪氣實也又曰肢體沉重肺脉大則斃謂其浮散無根也

長脉主陽氣克實傷寒得之將欲汗解也長而緩者胃脉也百病得之皆愈故曰長則氣治也

芤脉主陰虛血虛膿潰後得之爲宜以脉病相應也

弦脉主肝邪瘡疽論曰弦洪相搏內寒外熱欲發瘡疽也

緊脉主切痛積癖凡瘡疽得此則氣血留滯邪結不散多爲痛也

短脉主虛經曰短則氣病以其乏胃氣也瘡瘍脉短真氣虛也諸病見之皆爲難治尤不可攻也

澁脉主血虛氣澁瘡瘍潰後得之無妨

沉脉爲陰瘡瘍得之邪氣深也

遲脉主陽氣不足瘡瘍得之潰後自愈

緩脉無邪長而緩者百病皆宜瘡瘍得此則易愈以其有胃氣也

弱脉主氣血俱虛形精不足大抵瘡家之脉凡沉遲濡弱者皆宜托裏

微脉主虛真氣復則生邪氣勝則死瘡瘍潰後微而和者將愈也

細脉主陽衰瘡腫脉細而沉有裏虛而欲變證也

虛脉空而無力脉虛則血虛血虛生寒陽氣不足也瘡瘍得之止宜托裏養血補氣也

軟脉少神元氣弱也凡瘡瘍之脉但見虛遲軟弱者悉宜補虛